

## 墨子止楚勿攻宋 戰國策

公輸般為楚設機，將以攻宋。

(為：音「胃」，替)(一字多音，一詞多義)

(將以「機」攻宋)(賓語省略)

墨子聞之，百舍重繭，

(聞：聽見)(一詞多義)

(舍：音「瀉」，距離單位)(一字多音、一詞多義)

(重：音「cung5」，厚)(一字多音、一詞多義)

往見公輸般，謂之曰：「吾自宋聞子。吾欲藉子殺王。」

(子：對人的尊稱)(一詞多義)

公輸般曰：「吾義固不殺王。」墨子曰：「聞公為雲梯，

(為：音「圍」，製造)(一字多音、一詞多義)

將以攻宋。宋何罪之有？

(將以「雲梯」攻宋)(賓語省略)

(宋有何罪？)(倒裝句)(疑問句)

義不殺王而攻國，是不殺少而殺眾。敢問攻宋何義也？」

(判斷句)

(疑問句)

公輸般服焉，請見之王。

墨子見楚王曰：「今有人於此，舍其文軒，

(舍：音「寫」，捨棄)(一字多音、一詞多義)

鄰有弊輿而欲竊之；舍其錦繡，鄰有短褐而欲竊之；

舍其梁肉，鄰有糟糠而欲竊之。此為何若人也？」王曰：

「必為有竊疾矣。」

(判斷句)

墨子曰：「荊之地方五千里，宋方五百里，

(方：方圓，指土地面積)(一詞多義)

此猶文軒之與弊輿也。荊有雲夢，犀兕麋鹿盈之，

(判斷句)(盈：充斥其中，形容詞作動詞)(詞類活用)

江、漢魚鱉黿鼉為天下饒，宋所謂無雉兔鮒魚者也，

(判斷句)

此猶梁肉之與糟糠也。荊有長松、文梓、楸、楠、豫樟，

(判斷句)

宋無長木，此猶錦繡之與短褐也。惡以王吏之攻宋，

(判斷句)

為與此同類也。」王曰：「善哉！請無攻宋。」

(判斷句)